



Aqqalu C. Jerimiassen
Atassut

UKA 2021/11
29. september 2021

Nunatta Karsiata 2020-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut.

(Aningaasaqarnermut Naalakkersuisoq)

2019-imi aningaasaqarnikkut nalunaarutit assigiperaarlugit 2020-imi naatsorsuutit Atassummiit oqaaseqaaterput maanna nalilersinnaavarput.

Naak maanna ilorraap tungaanut aningaasaqarnerup ingerlanerani oqariartortoqaraluartoq akitsuusersuinikkut innutaasut aningaasaqarnerat uuttorniassallugu nalileruminaammat. Tassami aningaasaq inuiaqatigiinniittoq annertortutut taaneqarsinnaanissaa oqaatigiuminaammat akitsuutitigut assigisaatigullu sinneqartoorutit aningaasaqarnerlu narlorissarsimatillugu.

Inuiaqatigiittut aningaasaq akornqatsinni annerpaaq pigisariaqarparput, kialluunniit innuttaasup kaasarfimmiua annerutillugu nunatta iluani aningaasaq kaaviaartoq pitsaanerusinnaammat. Ilaatigut soorlu ukioq kingulleq oqaaseqarnitsinni erseqqissaripput, aalisarnermi qaleralinnut akitsuut annertuupilussuarmik isertitaqaatini pissarsiviusimasoq takuneqarsinnaasoq maannattaq allannguuteqanngimmat.

Oqaatigisareerparpummi, aningaasaq avataaniit pilersissuarput, innuttaasut kaasarfianiiunngitsoq. Atungarissaarneq pilersinneqarsinnaanera ungasilliartortuassuarput nunatta karsiata naatsorsuutai innutaasut kaasarfiiniik kusassartuarniartillugu.

Isaatitsivissat nutaat ugartortariaqarnerat avaqqukkuminaappoq ukiuni kingullerni, sulilu innuttaasut isumaginninnikkut atungarissaarnikkullu annerusumik noqqaajuartillugit illuaniit illuanut nuutitsiinnartarnikkut matussutissaq apparaluttuinnassammat, aningaasarmi taanna mumeqattaaginnangarput allanut ajorseriaataaginnassooq ilaannullu allaanerusumik tuinnarluni.

Aqqut taanna atortuarniarparput? Ila taanna apeqqut annertuumik eqqarsaatigisariaqarparput.

Suut nammineq inuiaqatigiittut atungarissaarnitta pitsaanerusumik tikkuussivigineqarsinnaanissaat ugartorniartolugu aningaasarsionnitta avammut samminerusumik iluseqarnissaa pisariaqarpoq.

Soorlu inuussutissarsiutit nutaat pilersissinnaasagut qinerleratigut avammut tunisassionnitsigut aningaasaq avataaniit aasinnaavarput, innutaasut kaasarfi aqqutaluginngikkaluarlugit.

Aalisakkat ataasiakkaaginnaat aaliangersimasut kisiisa ukkatarivallaarunnaarlugit, nunalli allat takujuartakkagut assingalugit imartatsinni pissarititaasut suut atorluarsinnaanerulugit periusissiamik siunissaq ungasinnerusoq isigalugu eqqarsartariuseqartariaqarput. Avataaniimmi



eqqussuiarnerput, naak nunatsinni pissarsiarisinnaasaringaluarlugit, aqqustissaq qaninnerpaaq sungiusimasarput atortuarniartillugu siuariaateqarnissarput unittoortittuassuarput.

Eqqarsaatiginermi ajorparput pisiniarfiliartilluta, saarulliit suaannik pisiniaraangatta nunanit sanilitsinniit tunisassiarineqarsimasunik pisisarluta, namminerlu illuanik eqqaannarlugit nalittartorsaanermut atorluarnagit, imaluunniit pisiniarfitta ilisiviiniilersinnaalernissaanik eqqussukkanut taarsiullugit pigitilernissaaniik. Ila pikkorluppallaarpugut, pikkorinnerusariaqalerpugut.

Ukiuni tulliuuttuni nunatta karsiata naatsorsuutaasa sinneqartoortarnerata kusanarnerusumik isikkoqalersinnaanera angusinnaakuttoorparput, ilaana. Taannali angusaq kusanartoq ilumut kusanartuunissaa ilusineriarsinnaavarput, aningaasaq kaasarfinniik aasaanngitsoq, avataaniilli pilersitaq atorlugu.

Ukiuni kingullerni sorpassuartigut eqiterusserujussuarsimanerput inuiaqatigiittut akitsoraluttuinnarpoq, innuttaasullu sullinneqarnerannuttaaq ungasillisaataalluni, tamassuma ukiuni tulliuuttuni iluuseqarfigineqartariaqalernera Atassummiit isumagiuarparput, tassuunakkullu innuttaasut qitiutinnerullugit suleriuseqarnissaq tunaartariuararlugu.

Uteqqillara taamaammat una; avataaniit aningaasaq pilersitsigu, imaanngitsoq kaasarfigut mangiallattaarlugit, ullummi ilaanni iterumaaratta aallersinnaanerput tamaanga killeqartariaqalersoq.

Atassummiilli neriulluaateqarpugut, maanna naalakkersuisooqatigiit aallartinneranni eqiterussiuarsimanerup iluuseqarfigineqarniarnerani kinguneqarluarsinnaanera takorloorsinnaagatsigu.

Taamatut oqaaseqarluta Atassummiit ataatsimiitsitaliaq sulilluarnissaanik kissaapparput.